

enterprise europe



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
EURO INFO KORESPONDENTNI CENTAR



Poslovna podrška pred vašim vratima

Evropska preduzetnička mreža u Bosni i Hercegovini

Evropska preduzetnička mreža (*Enterprise Europe Network* - EEN) nudi širok spektar poslovnih usluga malim i srednjim preduzećima.

EEN mrežu sačinjava oko 600 partnerskih organizacija (uglavnom privrednih komora i istraživačkih centara, univerziteta, razvojnih agencija) u 53 zemlje, uključujući sve članice EU, zemlje kandidate i potencijalne kandidate, ali i druge zemlje Evrope i svijeta, a upošljava preko 3000 iskusnih i stručnih uposlenika.

Vanjskotrgovinska komora Bosne i Hercegovine je putem Euro info korespondentnog centra, kao jednog od svojih sektora, članica ove mreže od 2009. godine. Mreža pruža široki spektar poslovnih i stručnih usluga kao što su:

- pružanje informacija i praktičnih savjeta o tržišnim mogućnostima Bosne i Hercegovine i Evropske unije,
- informiranje o zakonodavstvu i sektorskim politikama Evropske unije od značaja za firme,
- pomoć malim i srednjim preduzećima da pronađu odgovarajućeg poslovnog partnera,
- pružanje informacija o otvorenim EU fondovima,
- pomoć malim i srednjim preduzećima i drugim organizacijama u apliciranju i učešću u EU programima,
- organizacija poslovnih susreta i poslovnih misija,
- organizacija tematskih događaja vezano za različita pitanja Evropske unije i plasman BiH proizvoda na tržište Evropske unije,
- podrška razvoju istraživačkih i inovativnih kapaciteta preduzeća i unapređenje tehnološke saradnje.

Ovom prilikom bismo istakli Bazu poslovne saradnje (*Business Cooperation Database* –BCD) kao jedan od alata EEN mreže. Riječ je o elektronskom sistemu putem kojeg se preduzećima otvara mogućnost izlaska na strana tržišta. BCD je dvostrani sistem komunikacije koji posjeduje informacije o preduzećima iz Bosne i Hercegovine koja traže partnere u inostranstvu i sadrži profile stranih preduzeća koja traže poslovnu suradnju sa BiH preduzećima. Na ovaj način možemo objaviti ponudu vašeg preduzeća koje druge članice EEN preuzimaju direktno iz baze i dalje objavljuju u poslovnim magazinima ili web stranicama centara u zemljama u kojima tražite poslovnog partnera. Zainterosovana preduzeća se putem centara u svojim državama obraćaju nama i na taj način direktno povezujemo poslovne partnere.

Ukoliko ste zainteresovani za usluge poslovne saradnje molimo da nas kontaktirate putem e-maila na sljedeće e-mail adrese: jadranka.stany@komorabih.ba ili stanislava.sorajic@komorabih.ba. Naš tim Vam stoji na raspolaganju za sve dodatne informacije.

Putem mreže EEN i partnera projekta pružena nam je mogućnost da vam također pronađemo partnera u oblasti tehnologija i inovacija. Ukoliko posjedujete inovaciju koju biste željeli promovisati u zemljama koje pokriva EEN mreža ili vam je potrebna inovacija, pozivamo vas da nam se i po tom pitanju obratite putem e-mail adrese eicc@komorabih.ba.

Usluge poslovne saradnje su besplatne.

VANJSKOTRGOVINSKA / SPOLJNOTRGOVINSKA KOMORA BOSNE I HERCEGOVINE
EURO INFO KORESPONDENTNI CENTAR BIH

Branislava Đurđeva 10, 71000 Sarajevo, Bosna i Hercegovina

Tel: 033/566-243; Fax: 033/566-244, E-mail: eicc@komorabih.ba; web stranice: www.komorabih.ba; www.een.ba

